

林琴南先生著

畏廬短篇小說

普通圖書局印行

畏廬短篇小說目錄

桂珉.....一

舒雲南.....五

春雯.....一〇

柯紅豆.....一五

趙倚樓.....一七

秋悟生.....二〇

伍氏.....二三

吳卓士.....二五

謝翠翠.....二八

穆東山.....三一

鄭問.....三五

柳枝	四〇
綠筠	四六
玉格	四九
寶綠波	五四
謝蘭言	五九
洪石英	六五
柏梵姑	六九
林鴈雲	七三
呂紫娥	七七
胡蕪玉	八一
天天	八五

畏廬短篇小說

世說新語 卷之四 畏廬著

桂 珉

閩之梅花村在長樂海濱。四望皆海。居民多業漁。春夏之交。石首來時。布帆點點。蕩其醉白於滄溟之間。船歸則滿載。皆魚。恐不及登市。而魚餒。則剖腹納之。以鹽嚴封。巨甬中入城時。城人聞魚自長樂來者。價倍於常。魚有蔡翁者。素封也。不業漁。而業夏布。然其戚屬皆漁。郎翁每年誕辰。則群漁咸以魚爲壽。有謝玉井者。年十八。白皙美風儀。聰明能讀書。然其父至頑。直目不知書。痛詆書生爲餓殍。強之行漁。蔡翁識謝父而憐玉井。謂此美材。可惜不當聽其入海。謝父曰。吾老不漁焉。生且城中讀書。人吾固見之。長袖而百補其衣。着拖鞋。吸芙蓉膏。面有菜色。其成就爲訟師耳。吾家世漁。奈何變業爲訟師。而隳其家世。蔡翁知不能動。然甚憐玉井。而玉井亦感蔡翁。恒至其家。乃不知蔡家之有玉人也。蔡翁年四十餘。始得一子。而幼愿然。有女名桂珉。絕美。平日不事梳掠。恒以魚白之絹裹頭。雙鬢如漆。露諸絹巾之下。耳簪小璫。玉貌櫻唇。天然入畫。少從葛秀才讀。秀才年七十餘。甚愛桂珉。盡以所學授之。故桂珉頗能誦古今詩歷歷能道其佳處。特不常作。當玉井至時。桂珉恆不相見。一日雨盛。蔡家墻圯。牆中花竹瀟灑。小徑一道入竹深交。卽爲桂珉臥闌。蔡翁就雨中督匠氏修墻。而玉井挈雙魚將餉蔡翁。適過壞牆。

下初不見翁。翁呼曰：玉井汝攜魚安往？玉井赫然，既面爲翁，則曰：此魚鮑翁佐酒耳。翁曰：何爲犯雨而來？今卽從此入省，繞道嚮吾門。桂珉自窗中呼曰：阿翁與誰作語？翁曰：玉井耳。女固聞僕媼言玉井美，且憐其家有頑父，恒欲面之。卽自窗間望玉井，年可十八九，兩足如霜，冠簪笠髮，辮盤其頸，明眸皓齒，果加以巾幘者，則娉婷一好女子也。翁旣聞女問，卽謂玉井曰：此吾愛女，玉井非外人，可相見。玉井聞言，去笠下其辮，二頰盡絳，釋魚於花台之上，俯首進揖，不知爲禮。但抱雙拳拱其面，無敢正視。女尙落落問曰：聞玉兄舍業而行漁海上，風濤險也。玉井怩忸，久曰：此老父所命，死何敢辭。女聞言愕然，因亂以他語曰：玉兄且赴前廳與家君共飯。時女已喪母三年，躬自撫其穉弟。翁內政咸屬之女，女自見玉井已定終身之計，自是以來數見，亦不歛避。時時流目送眄，而玉井兀然如石。人女竊引以爲怪。時爲八月，蔡翁誕辰，賀客又皆以魚至。玉井獨購雙樺燭爲翁壽。翁悅，是日玉井轡矣。漁語座客謂玉井天產一好書生，乃抑之使行。漁世有漁郎，昌其家耶？玉井忽對曰：不如翁言。漁人雖不能富貴，然行海樂也。晨光微動，海東日輪色正赤，海光燦射，幻爲五色盪漾於空明之中。秋風微動，海平如鏡，魚隊相逐，去船不盈丈。拋網引繩，一收網得魚五六，或十五六。旣上舟中，以尾擊艙板作聲，一一閉之。艙下旣飽，其鮮復可得錢較之，逐逐於勢利之場，營營於奴隸之藪，不寧佳乎？翁未答，聞房中有女子笑。

聲翁曰玉井所言吾女似以爲可天下固有不更事之人亦偶得其同志玉井默不敢答羣漁無學問亦不知所謂勢利與奴隸何指動頤張吻以待酒至然女自聞玉井言知非凡品益欲與之接談一日故以事過謝家與謝媼語媼蠢蠢然心慕女富亦加禮接三數語外輒雜以魚腥似其家託魚以生者女閒行過玉井臥處一榻一案案上亦微陳筆墨有書十餘卷其一似輞川集女不敢入心計玉郎能讀王詩殊中所懷方徘徊問玉井已歸見女愕然問曰姊氏何爲惠顧寒舍女忼爽答曰來省老母吾惟喪母故重人之母同于已母玉井曰此固姊氏懿量然貧富懸殊吾不敢忘其素分以冒進玉井意齊大非偶且求婚亦萬無曲從之理故以正辭決女女知旨卽不言問以海上日來浪動能否行漁時謝翁夫婦咸至延飯女不可匆匆竟歸是日玉井已合數舟入海時爲下弦缺月出於東山之上發光幽闇女登樓望海見漁帆數葉出沒於浪花間憶玉井決在是間不期廢然歸寢卽夢有人艫舟於門舟中有一老婦髣髴謝母卽而視之則又非是語曰謝郎方在海上行漁對月高歌吾迎汝往聽之女匆匆下船媼立張帆咄嗟間已近漁槎之次見玉井拋網海中權亭不進玉井對月下歌曰下弦月下弦月蝕了一半明蟾窟我不憐蟾憐桂花桂花香心如麻深深屢下嫦娥拜等閒莫遣韶光邁韶光邁斑鬢毛桂珉桂珉奈如何歌聲嘹唳入雲女欲逕前與語忽海濤一白如屋立見玉井舟翻於

波中瞬息無見。女大呼而醒。然知是夢。竊以爲非祥計。此身必屬玉井。萬無第二人足託者。顧海事險。玉井果婿吾家。或能變業不至爲風濤所蝕。計定乃以婢招徐嫗。至徐嫗者。與謝有連。時爲蔡翁所周恤。女吐其誠。歎徐曰。玉井行漁。是以金盤貯狗矢。吾觀若翁。亦禮重玉井。果能以人求婚。或可許也。乃求私面。玉井一日果遇之。途徐曰。玉井安往。玉井見爲徐嫗。亦殷勤道寒溫。徐邀玉井至家。微述女意。玉井曰。桂娥意良厚。然試問吾家何者。足匹桂娥。蔡翁固厚我。然憐我非重我也。吾父母非仗吾漁。不可得生。增一妻必增數子之累。試問一網之微。能供數口耶。矧海中風波不常。旦晚之命。殊不可保。吾雖僥倖求生。然決不令桂娥孀獨。請嫗善辭。桂娥徐曰。玉郎既不屬意。蔡女胡以夢中作歌自喚。奈何。玉井大驚。顏色喪失。問徐曰。嫗何爲入我夢中。吾固有此夢。實未嘗語人。且曲終墜海。提之令人心緒灰冷。想桂娥必與我同夢。夢疆彼當知之。今乃以嫗道意。乃不虞爲杞梁妻耶。徐曰。夢境幻變。可以心術識之。玉郎萬無可疑。趣以媒來。必可集事。玉井毅然以爲不可。徐嫗遂歸。語女。女心乃益重玉井。時鄰鄉有王大者。虎而冠者也。與梅花村某甲鬥。爲甲所斃。于是不鳴之官。兩鄉聚而械鬥。鄰鄉死者五人。梅花村死三人。則搆大訟。閩俗訟殺人者。不訟適兇。必取素封之家。謂其殺人。則羣指蔡翁爲元兇。捉將官裏。被以毒刑。翁罄家獄不能了。瘐死在長樂監中。女長日如淚人。旦夕挈其幼弟往。

反○縣○城○玉○肌○消○瘦○渾○不○如○前○之○妍○麗○既○理○父○喪○家○乃○壁○立○則○與○其○弟○依○徐○媼○以○居○而○玉○井○者○知○女○悲○戚○顧○不○敢○臨○問○但○時○造○徐○媼○家○問○狀○避○面○不○敢○見○女○一○日○入○海○遇○殍○尸○而○伏○流○視○之○女○尸○也○玉○井○驚○曰○女○尸○恆○仰○法○不○應○伏○乃○合○其○同○舟○以○篙○引○之○至○岸○女○尸○懷○金○釧○六○計○之○得○黃○金○二○十○兩○玉○井○曰○分○金○適○平○然○必○瘞○此○尸○賣○金○而○購○櫓○於○是○玉○得○黃○金○九○兩○餘○父○母○咸○悅○將○爲○之○成○婚○玉○井○堅○不○可○其○母○問○狀○玉○井○曰○但○問○徐○媼○得○之○矣○母○果○召○徐○媼○徐○歷○述○前○事○乃○以○人○求○婚○於○女○女○可○之○逾○年○生○一○子○玉○井○雖○擁○艷○妻○然○終○以○夢○噩○爲○虞○明○年○入○海○颶○風○起○舟○果○覆○父○母○亦○繼○逝○女○挈○其○穉○弟○同○居○撫○孤○以○長○以○丁○卯○科○舉○人○官○四○川○知○縣○

舒雲南

雲○南○之○徵○江○府○在○古○爲○西○南○夷○漢○元○封○置○俞○元○縣○屬○益○州○郡○蜀○漢○則○屬○建○寧○郡○梁○屬○南○寧○州○隨○置○昆○州○此○地○屬○焉○唐○天○寶○末○沒○於○蠻○號○羅○伽○甸○宋○時○析○爲○三○郡○元○置○羅○伽○萬○戶○府○明○洪○武○十○五○年○改○爲○徵○江○府○清○仍○之○其○地○崎○嶇○多○巖○石○林○箐○蒙○密○時○時○見○虎○豹○而○近○山○之○家○未○暮○輒○閉○其○關○月○黑○風○高○虎○來○攫○門○巨○爪○陷○門○寸○許○村○人○則○力○堵○之○虎○亦○不○能○入○也○有○時○張○鳴○啾○啾○雜○風○聲○嘯○於○門○外○村○人○知○有○虎○至○或○比○舍○鳴○金○呼○喊○張○亦○震○懼○而○去○蓋○風○俗○然○也○近○材○有○舒○翁○者○年○四○十○餘○始○生○一○子○名○曰○南○雲○翁○不○識○字○以○生○爲○雲○南○人○卽○倒○用○雲○南○二○字○爲○南○雲○識○者○謂○翁○將○以○南○

霽雲望其子實則非是南雲生而多力能舉石白兼數人之食尚不能飽翁無事令其行漁於
 溪上而南雲性躁不耐於釣顧重違其父言則以石壓其釣竿自偃臥於竿側魚卽上鈎亦不
 之知或終日不得一魚一日睡醒見溪之下流有爛竹一節衝流而逆上異之乃揭水取竹竹
 中有物躍躍而動登岸剖視則一巨鱗也粗如兒臂其長尺餘背上有紅點南雲大喜歸而烹
 之飲酒三四升奇飽而醉於是濃睡三日不醒翁大驚怖疑其死顧視其頂汗出如蒸肌膚溫
 煖如恆惟脈息洪起如巨潮觸之彈指地無良醫亦不審其爲何病更一日南雲醒以手拊床
 床立陷既坐床不能載於是躑起斗出以拳拳屋前石橙立碎則大喜曰吾自食鱗筋力暴長
 至此舉千觔非難矣而食良益肆翁不能堪乃令出爲人傭力城中蓋屋巨棟高梁十數人不
 能起南雲以手舉之初不喘息以是常兼十人之獲雲雨地瘠而工廉雲終日所得不及千錢
 顧已盡飽之腹有破山寺僧醉葉者風僧也癰喘如危病行步踈旅時出乞食忽行經南雲坐
 食之處南雲方煮一豚首米五升許據石而啗僧向之乞食南雲欣然曰阿師所食能幾請分
 吾食百分之一足以供師一飽僧曰乞居士舍此豚首雲大笑曰師能盡此耶僧曰衲長年忍
 飢耳非吾量之仄居士果見舍請以俄傾盡之雲笑曰可僧挽袖取豚首大嚼頃刻而盡剩白
 骨焉雲大驚問更能飯否僧曰留此以供居士衲不願飢人而飽已於是雲遂噉晶飯起而從

僧行僧問何爲士曰師必異人請相從爲學者僧曰居士無佛骨可授者或武技雲大悅遂相從至寺僧授以運氣之法舉周身之氣從左右臂而出爲力千觔者一揮之力卽千觔以千觔之力蘊諸一拳世再無當之者矣又授以彈法百餘步之外塗丹於柳葉彈至而柳葉落於是雲晝日爲人力役夜則宿於寺中從師習技積三年藝成然人亦馴謹歛氣不發時挾彈行獵恆得狐兔得錢自贍並贍其父時亦沽酒飲僧僧一夕飲醉忽語雲曰明日汝行獵當得一虎且並得婦僧醉語膠雲但聞得虎之言並不審其所云得婦以婦虎音同以僧爲重複語耳是日晨起懷刃挾彈裏糧入山巖日初吐山紅澗碧候過中春雲出乾餿飲山水四顧景物明媚似一身已裝入山色之中則大怡悅自恨其不識字無能詠之篇章坐思方酣竟忘其覓虎忽叢箐之中醒氣斗動草木中裂斗出一虎其狀甚鉅見雲奔仆雲不及彈起立虎高跳及丈餘雲疾避力挽虎尾舉而摔諸石上一摔而虎之顱骨碎矣細審虎背已着一弩桿上有字雲不能識方拔弩睇視而菁中出一少年素面如玉急裝縛袴呼曰傖父汝得吾虎耶雲受風僧陶鎔久心性凝斂無復狂獷之態卽鞠躬言曰吾臨溪而飲此虎斗出幸握得其尾力摔之石上死矣不爾吾命且岌岌今足下言虎爲君有決非家畜此物用以噬人少年曰虎非吾畜然實吾行獵所得君不見虎背有吾所發弩矢耶爾手中所執者吾名卽在其上雲二頰皆絳自憾

不能識字。復鞠躬言曰：「小子未嘗學問，二目若盲，實未辨弩上所鐫爲何字。」少年哂曰：「如此英武，能徒手搏虎，乃不識一丁，可惜也。」吾姓莊，字桃屏，貴筑人也。流寓在此，家有老母，待吾行獵而食。今得此虎，貨之將支數月之糧，不圖却落爾手。雲曰：「然則足下孝子耳，請以全虎奉饋，並爲肩歸，造門拜母，如何？」少年大感荷，雲遂馱此死虎於背，厥狀如執羔焉。二人排荆簣而行，山半有茅屍一區。少年曰：「是吾家也。」雲步履既迅，少年亦趨捷如飛，至門見一老姑姑坐榻上，壁間懸狐皮無數，家具蕭然。少年入告，述射虎遇壯士事，母大駭起而視虎，虎頭破矣。急問曰：「壯士何名？」少年曰：「未之問也。」母曰：「汝曾告以姓氏乎？」少年曰：「告之母，哂曰：『壯士不自通名乎？』殊樸嗇可喜。」卽曰：「虎固小兒所射，然未殊也，不有壯士虎焉得死？」壯士何名，請以見告。雲曰：「小子舒姓南雲，適見公子以英年善射，有慕於中，故以全虎奉饋，用爲納交之贄。」母曰：「贄重矣，令淪茗少年，熱火火熾而熱，乃去其束髮之巾，則雙髻如漆，初不薙髮，厥狀如閨女。雲大愕，母曰：『壯士勿駭，吾兒少多病，有胡僧言宜蓄髮，僞爲女郎，庶可以長故年。』近二十仍不薙髮，雲愿慙以母言爲誠，卽亦不疑。茗已告辭，母子伸謝，桃屏送雲至半山而別。雲彈弓尙留溪次，至時彈弓之上忽裏一書，亦不辨其所自來。憶桃屏識字將裏以示之時，已薄暮，遂歸寺告醉葉僧侍者。言師已往朝五台，云曾有書示居士也。雲悟師爲神僧，彈弓上所裏者必師所爲，明日懷書至。

山上桃屏已貨虎於市。雲坐待時與母言。母意將留飯。雲曰。雲飯量巨。母恐不能供也。已而桃屏至。得金二十兩。並購鶴鷺米麪之屬。以二人肩歸。見雲大喜。雲曰。別兄至溪上取弓。不知何人以書加吾弓上。吾不識字。請兄爲我讀之。雲發書。桃屏讀未竟。顏色立變。絳綳間。駁意似慚。赧雲趣問何語。桃屏不能答。以書授母。母讀時。點首微笑曰。緣也。余老矣。胡能恃汝自活。不爲汝計。終身汝出。吾自應客。桃屏迴顧南雲眉目之間。含意欲伸。匆匆自出。母曰。南雲汝知吾子爲何人。南雲曰。母子皆賢。母曰。此非吾子。蓋我愛女也。南雲大驚曰。女子安能精於武技。母曰。吾貴筑人。亡夫曾任總兵。從岳大將軍陣殞。家貧不能自立。幸亡夫生時。盡以武技授此女。尤長於弩。能百步外射人眉目。匪不中。雲愿卽曰。然則射殺人不少矣。母曰。何爲其然。蓋畫人於壁。試之耳。雲曰。吾姓簡而急。非問母家世。但問書中何語。母曰。南雲汝不曾師事醉師乎。雲大驚曰。此書詎卽吾師所謂。請母爲我誦之母曰。可卽應聲誦來。書云。南雲汝得虎矣。納不預言。得虎並得婦乎。桃屏非男子。蓋閨秀中之英物也。若翁謹愿。汝復忠篤宜美婦。且賢孝足爲汝匹。此書持謁莊夫人。婿汝可也。納匆匆往朝五台。不及握手。至悵南雲聽已無言。凝立視夫人。不語。桃屏忽入。以手推雲。令踞雲始悅。繼則大笑。於是伏地癡拜十數。始起。母女亦笑。母曰。宜歸告若翁。蠲吉成禮。雲如言。不期復拜翁。聞雲言得賢婦。大悅。自至山中見莊夫人。而桃屏已

匿翁於是草草具禮迎莊夫人同居而南雲三十有二以軍功顯官提督翁與莊夫人猶及見焉

踐卓翁曰天下惟吃虧者恒得便宜一虎之值值二十金耳得一美賢之婦價實不貲故天下惟忠厚人往往得意外之福信哉

春 雯

薛大呂夔州之奉節人有妹嫁成都富翁李氏婿本儉荒生子肇洛肥碩而愚年十歲矣尙不能辨菽麥薛妻何氏有弟何璈生長於詩生子潞兒明秀而嗜書年九歲其事何氏夫妻行孝如成人以貧故常依薛氏而居薛無子但有一女名春雯年八歲雖雛髮未燥而媚態天成見者咸悅其美麗翁夫婦尤寶如拱璧潞兒在側與之相映則一雙璧人也何氏以無子之故甚屬意潞兒顧大呂嗜利入骨頗居奇其女意以歸肇洛何氏屈於其夫又念外家貧薄故未敢示意翁知之亦僞爲無覺一月之間必與李氏通候書中必問肇洛顧薛亦非貧能延師何氏遂令潞兒與春雯同學潞兒慧倍常童凡三年已十一歲搖筆千言八股中時時見才語塾師不能加墨但有圈贊明年入邑庠文宗拔取第一何氏大喜而薛仍弗善也但太息肇洛之不能獲實則肇洛於兩孟未之畢也璈生嗜酒日與詩流結伴遊蜀中山水置家事不問方潞兒

入泮時。璵生尙宿青神山中。也。又二年。潞兒十四。春。娶十五兩少。無猜。主是亦漸漸梗。以禮防。是年鄉試。潞兒中副車。媒妁盈門。潞兒語母曰。勿爾待兒入翰林。再議未晚也。母知其意。屬春。霎然貧富不敵。猶冀其獲萬一之濟。璵生則大笑。兒愚。謂其姊壻蠢蠢。一田舍翁。卽與爲婚。已足爲清門之辱。汝奈何慕彼女之色。降抑而爲秦贅。妻怒曰。旣鄙由舍君。汝何爲以妹儷之。君旣降格而嫁妹。吾兄何不可降格而求婚。璵生大笑曰。儻父別有性情。汝惡知之。彼豔李家之富。李子卽蠢如猪狗。亦願以愛女投之。賢不肖之見。解寧可以道里計。果天緣有在。則春娶終屬潞兒。汝胡急急。且兒年不過十四。非論娶之時。何妨待之。姊氏終是吾家氣脈。必能保衛。是女不淪于猥賤。於是議寢。明年乾隆以六十萬壽恩。科潞兒領解。李氏大憂急。以媒氏求婚於薛。薛慨許。且大悅。以爲愛女所得。何氏力爭不得。議遂定。女知肇洛不慧。則嗚咽不食。何氏雖百方婉導。終懨懨如罹重病。潞兒聞薛允婚於李。心痛如割。立仆於地。昏不省人。何璵生夫婦驚悸亡魂。母憂兒危。且惜兒癡。顧相向無術。已而得救。能呻矣。何夫婦掖而就榻。大病涉旬。何夫婦日不去側。而璵生詩酒之興冷如冰雪矣。日就床寢。舉古人言行婉導。而微董之言外示。以天下多美婦人。不必刻舟求劍。爲薛女所羈絆。戕其有用之身。潞兒伏枕心佩。父訓顧不能作答。時爲長至。後潞兒病起。璵生引之登魚復城。望八陣圖。與講漁洋詩。中所謂魚龍夜偃蛇。

鳥秋懸用假懸二字之佳並一導以詩學潞兒者嗜文而不嗜詩又爲薛女之故亦頗思爲詩意亦從其父受業下城後忽見一道士持籠中飼秦吉了能作人言一見潞兒卽呼曰何子琬汝來遊耶子琬潞兒字也則大驚失色潞生亦愕顙不能語道士笑曰居士勿驚此數句是老衲預教之潞生曰素與練師無素又何以知吾兒之號道人笑曰郎君不於今科領解耶殊卷中名字爛然又赴鹿鳴時衲曾見之卽指示此鳥少年爲解元君何子琬此鳥絕靈故一見輒識又何異之有父子聞言太息對鳥問答甚了了而潞兒尤戀戀不去道人笑曰解元愛此鳥乎衲世外人無所用卽以贈君因面籠言曰了哥珍重從新主人然爾主母雖由爾而來嬪將來必不愜意於爾爾可述道人言告主母非汝不得此好因緣也大笑揚袖而去父子聞言莫解大聲呼謝遂攜籠而歸時何氏聞潞兒新愈置酒招之並聞乞得秦吉了請其攜鳥同來潞生者鄙薛大呂不值一錢久絕迹不至生是日盛服攜籠至薛家大呂已赴成都何氏令春雯出面相見無言各自微微一歎然皆避面不令相知女尙佯笑曰聞弟新愈宜調護不日北行矣生報言父母以長途悠遠不聽行故無計偕之想而鳥已發聲呼薛小姐女大喜與之問答酒罷將行女猶與鳥歎語生曰姊氏既愛此鳥請以奉贈鳥非吾有魚復城上得諸遊方一道人也因問鳥曰汝既在薛小姊家吾意以汝贈與薛小姊汝願之乎鳥對之曰阿師言吾終

身不離郎君並小姊左右何爲不願生及女咸大驚以爲決無其事生遂匆匆別歸鳥處薛家經月馴而無機有時女放之出籠飲啄如恆飽後復歸籠而宿一日忽飛起栖於畫軸之上女招之不下則登几取之履蔑而几翻女立躓兩股相料莫開矣家衆大驚明日薛大呂歸見狀呼醫顧無幾微之効便溺之事動必需人而李翁聞之大悔卽以人語薛曰吾家止一子娶婦本以延嗣續今女公子患如此何以能人吾非悔婚請君自度亦不應以廢物予我今還君庚帖願自爲計此女永永非李家婦矣何聞之大悲薛則深咎吉了之爲害將取而殺之然吉了已飛去矣時生方讀書於山寺母以人馳告女事生大驚不抵家先至省女何氏大悲生慰止至再女相對淚泚生抑抑歸告母曰李氏離婚薛家上下似已周知不知者春姊耳母胡不乘李氏絕婚之後繼而求婚蓋可允也母驚曰吾家但有汝身得此殘廢之人何爲者生曰不有吉了春姊豈瀕危禍春姊之患吾實肇之顧始慕其賢而願婚彼家終惡其病而遂灰吾望則不義亦猶李氏耳母曰彼惡殘廢而悔婚李氏亦不必有罪唯吾家素有清名汝又早掇巍科必娶不能人道之婦人則嗣續何望汝亦何樂生曰人之所貴貴相知心姊意似久屬我乃爲豪奪今在難中吾不之娶將張眼見我心中人填於溝壑耶薛翁之愛女非眞愛也不過論婚富室亦不擇婿之賢愚惟財是務其用心殊不可問吾家世忠厚安知論娶後不能逾愈此不

惟慰兒平日願望之私亦以吐春髮不平之氣願母允兒兒意決矣母噤然而笑顧愛子心摯亦無可如何但曰待若父歸來請彼不理家事之詩翁定之明日璈生歸聞言大笑曰允之春髮必愈吉了亦必歸妻大愕曰汝醉耶璈生曰魚復城下遇道流彼對鳥言稱主母而鳥歸春髮卽其主也所謂不恆者因取鳥而躡耳旣云好姻緣則女疾必愈嗟夫大呂汝留此絕世尤物以待儉夫偏有世外仙人奪而予我今汝絕婚非我謀爾明日卽以媒介行媒至大呂驚訝以爲戲卽曰前此親串之間吾之待璈兒亦不爲薄拒婚之事士各有志安能強同今吾女不幸見斥於李家此爲璈生潞兒所宜慰弔者奈何尙以此爲戲縱使念仇亦宜哀憫胡忍出此辣手媒亦善言力爭曰非也公子所以重女公子者德也非色也李氏無福不能任受或冥冥之中故爲此狡獪留待高賢安知成禮之後不能自愈此事非翁干彼是吾家公子自願之翁何歎焉大呂疑信參半入語其妻妻曰信也媒氏未來吾姪已先有書求我矣但允非欺大呂曰李氏尙有後言乎妻曰執其手書卽爲離婚之券大呂無言遂允媒氏諷吉成禮女以數人扶掖甫能登輿旣至何之族鄙咸嗤鄙璈生父子以爲愚妄其有識者則嘖嘖稱歎其義合登之夕畫簾甫開而吉了已翻飛而入女大怒不意起撲兩股頓開一如常人闔室大譁以爲異吉了曰衆奚譁吾師命我來醫主母疾也衆爭問爾師何人曰太白也璈生曰太白者長庚也